

## **Kalenjin - Sirutik - Spiritual Warfare Intro Scriptures**

**Luka 17:5 Ak kilenji che kiyoktoi Kiptaiyat, Teswech kayanennyo.**

**Romanik 10:17 Nyonei anyun kayanet eng' kaset, ak nyonei kaset eng' ng'olyotab Kristo.**

**Luka 11:1 Ak ye kita kosaei eng' oldo age, ak kingoges, kolenji age eng' alamalyennyi, Kiptaiyandani, inetech kesa, ko u ye kiineti Johana alamalyennyi.**

**1 Timoteo 2:1-4 Ne bo tai anyun aboru ale ingoyaak somutik, ak sautik, ak saisaet, ak mwaet ne bo kongoi agobo bik tugul; 2 agobo laitorinik ak tugul che tinyei bounatet; si kobiit ketebe kalyet ak mutyonet eng' kaiyweet ne kiywei Jehovah ak teegisto. 3 Mie nito ak ko taagaksei eng' taitab Jehovah Yetindennyo; 4 ne machei kole kesor bik tugul, ak konyor naet ne bo imanit.**

**Luka 22:31 Simon, Simon, keero, kagosom Setani kole konamak, si kosesak ko u nganok:**

**Zechariah 3:1,2 - Juda 1:9 Ago ye kingobaregei Mikael, malaikaiyat ne o, ak oindet, kotiitos agobo mustab Musa, ko ma kany koipchi inendet kiruogetab chubet, ago kile, Ingogerin kong' Kiptaiyat.**

**Epesoek 6:12 Amu ma bo kabelenno bo ge borto ak korotik, ago bo laitomatosiek, ak kimnatosiek, eng' bounikab ng'onnyuni che bo mesundeito, eng' lugosiekab tamirmirik che bo yaitiet eng' komoswekab kipsengwet.**

**Epesoek 6:10,11 Ne bo let anyun, oegu che kimen eng' Kiptaiyat, ak eng' kimnatetab kamugennyi. 11 Olaach karikab luget komugul che bo Jehovah, si kobiit omuch ogirinde kaberberisiosiekab oindet.**

**Epesoek 6:13-17 Noto anyun onam karikab luget komugul che bo Jehovah, si kobiit omuch ogirinde eng' betut ne ya, ak ye kaoyai tugul, otononse. 14 Otononse anyun, ko kaogermen suenutikwok eng' imanit, ak ko kaolaach karnetab teget ne bo imanda, 15 ak ko kaoratyi kelyekwok bekyinet ne bo logoiywek che miach che bo kalyet; 16 ak onam koboto chun tugul long'etab kayanet, ne omuchi omise kipchabonik tugul che bo mat che bo inendet ne ya. 17 Ak onam kutwetab yetunet, ak rotwetab chok ne bo Tamirmiriet, noto ng'olyotab Jehovah.**

**Hebranik 4:12 Amu sobei ng'olyotab Jehovah, ak ko kim, ak ko ng'atib kosiir rotwetab chok ne ng'atiben komoswek tuwai, ak kotoorei**

agoi kobesio sobondo ak tamirmiriet, ak ole tuiyechin kowek ak amset, ak chepcheb koguiyo kabwatutik ak magutikab muguleldo. Luka 4:8 Ak kiwolji Jesu kolenji, Kigisir kele, Ilosu Kiptaiyat Jehovah neng'ung', ak iboisiechi inendet inegei.

Epesoek 6:18 Osa betusiek tugul eng' Tamirmiriet koboto saet tugul ak kagaigaet, ak oripsei eng' noto eng' kagiiletab ge tugul ak kagaigaet agobo tugul che tililen.

**1 Samuel 17:45-47 - Daudi & Goliath**

Luka 10:17-20 Kiweek anyun bichoto tamanwogik tisabu eng' boiboindo, ak komwa kole, Kiptaiyandani, agot oik kogasech it eng' kaineng'ung'. 18 Ak kolenji, Kiageer Setani kochorugei eng' kipsengwet ko u kalyelet. 19 Ogeero, kaagonok kamuget si kobiit otiech erenok ak melmelwek, ak oterter kimnatet tugul ne bo bunyot : ak mami kiy ne imuchi kong'emak. 20 Ago amoboiboitu amu ng'olyondoni, amu kasok it oik; ago oboiboitu amu sirotin kainaikwok eng' kipsengwet.

**2 Korintoek 10:3-5** Amu agot ngebendoti eng' borto, ko magiyae luget eng' atebetab borto 4 (amu karikab lugennyo ko rna bo borto, ago tinyei kamuget eng' taitab Jehovah koluul irimosiek); 5 kiluuli kabwatutik, ak kiy age tugul ne toror ne ieetegei kole kogirinda naetab Jehovah, ak koluulei kabwatet age tugul si kobiit kogas it Kristo;

**Matayo 16:19** Agonin yateiywek che bo bounatetab kipsengwet: ak kiy tugul ne irate eng' ng'ony keratei eng' kipsengwet: ak kiy tugul ne itiachi eng' ng'ony kitiachi eng' kipsengwet.

**2 Timoteo 1:7** Amu kima konech Jehovah tamirmirietab nyogoriet, ago ne bo kamuget ak chamnyet ak ribetab ge.

**Matayo 12:28,29** Ago ngaone oik eng' Tamirmirietab Jehovah, ko kagoitwak anyun bounatetab Jehovah. 29 Anan imuktoi ano kwo chi gotab chito ne kim, si korebe tugukyik ngot ko ma rat korok chito ne kim? si kouur anyun gonny.

**Epesoek 1:13** Kiogas ak okwek eng' inendet ng'olyotab imanit, logoiywek che miach che bo yetuneng'wong', -eng' inendet, ne kingo kaoyan, ko kiging'ochak eng' Tamirmiriet ne Tilil ne bo arorutiet,

**Boisionik - Boisionikab Che Kiyoktio 19:6** Ak ye kingo kagogonoor Paulo eunekyik icheget, konyonji anyun Tamirmiriet ne Tilil ichek; ak king'alal eng' kutuswek che terotin, ak koamda.

**Mariko 16:15-18** Ak kilenji, Oba ng'ony komugul, oamjinote logoiywek

**che miach bik tugul. 16 Inendet ne iyani ak kibatischen kesoru; ago inendet ne maiyani ko tun kiruokyin. 17 Ak isubi kaborunoichu ichek che iyani: onei oik eng' kainennyu; ak kong'alali ng'alalet ne leel; 18 namei erenok, ak ngo ee tuguk che barei bich, ko manyoru ng'wanindo matiny; igonoori eunekwak bik che miandos ak kosopcho.**

**1 Johana 1:9 Ngot keng'anye tengekwoikyok, koyanat ak ko bo imanda konyoiywech kaat tengekwoikyok, ak kotililech eng' kiy tugul ne rna bo imanda.**

**Tiendab Kalosunet 109:17 - Jakobo 3:10 bunu kutit agenge kaberuret ak chubisiet. Che kitupche, ma nyolu koteb ko u nito tuguchuto.**

**Kirougik 16:16 - 2 Petero 2:7,8 ak kosor Lot chitab imanda, ne kinyalili mising' amu atebosiek che yaachen che bo kiptengeginik, 8 (amu ye kimenyei chichoto bo imanda kwenunywa, kogeerei ak kogasei, kous muguleldanyi ne bo imanda eng' betut age tugul eng' boisiosiekab ngelelnatet:)**

**Epesoek 4:26 Onerech, amoyai tengek: amat kororokto asis kota onerektosi:**

**Romanik 14:12 Noto anyun, tun tetyin chi age tugul Jehovah atebennyi.**

**1 Johana 2:23 Age tugul ne esioi Werit, ko matinyei noto Kwanda: inendet ne ng'anyei Werit kotinyei Kwanda agine.**

**Johana 14:6 Kolenji Jesu, A oret, ak iman, ak sobondo: manyonjin chi Kwanda, ama eng' ane.**

**Matayo 11:28-30 Obwanja, okwek tugul che oiimige, ak che olae tuguk che nyigisen, si amuong'wok. 29 Otiiny kaat choginnyu ak onetenage; amu a tala ak aming'inige eng' muguleldo: si osich kamuung'et eng' sobonwekwok. 30 Amu nyamnyum choginnyu, ak wisis milennyu.**

**2 Korintoek 6:2 (amu mwaei kole, Kiagasin eng' betut ne bo chamjinet, Ak kiatoretin eng' betut ne bo sorunet: Ogeero, nguno ko betut ne bo chamjinet; ogeero, nguno ko betut ne bo yetunet):**

**Romanik 10:13 amu, Age tugul ne kuurei kainetab Kiptaiyat, kesoru.**

**Exodus 20:5 - sin cursed to 3 & 4 generations**

**Pastor T. John Franklin  
Church of Salvation, Healing, and Deliverance  
COS-HAD.org**